



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XVI. Diploma.

urn:nbn:de:hbz:466:1-41527

que ædificio, cum mancipiis, terris, syluis, pratis, pascuis, aquis, aquarumue decursibus, quidquid etiam dici poterit tam cultum, quam incultum; simili ratione ad S. Emmerammum, ut sœpe supra denotatum est, propriæ meæ manus datione, confirmatum esse decerno; ita tamen, ut dum ipse in præsenti vita superstes extitero, omnia, quæ supra ostensa sunt, in mea potestate, absque omni contradictione perdurent.

Placuit etiam mihi vñā cum venerabili viro Baturico Episcopo & Abbatे loci eiusdem, ut si aliquis de parentibus meis, talis, Dei gratia largiente, euenerit, ut eiusdem monasterij Pater, defuncto me, possit existere, vel alius quilibet ex eadem congregatio, ut prædictum locum, sicut præfatus sum, habeat in potestate, & cum omnibus ibidem huic loco aspicientibus ad sanctum & venerabilem locum B. Martyris Emmerammi, & venerando Baturico Episcopo, vel etiam successoribus suis caput inclinet, scrutiumque persoluat. Hæc omnia sicut supra notaui, pleniter tradidi in ea ratione, ut mihi Baturicus Episcopus ad dies vitæ meæ in beneficio habendum concederet, id est, casam dominicatam cum curte & Ecclesia, cum omnique reliquo ædificio, quidquid ibidem aspicit.

XVI

Diploma.



Nomine Domini Dei & Saluatoris nostri Iesu Christi Ludenuicus diuina ordinante prouidentia Imperator Augustus. Imperialeм celsitudinem decet prædecessorum suorum piè facta non solùm inviolabiliter conseruare, sed etiam censuræ suæ auctoritate alacriter confirmare. Idcirco nouerit omnium fidelium nostrorum industria; quia Abbas de monasterio Stabulae detulit nobis præceptum Hilderici regis; in quo continebatur, qualiter sanctus vir Remaclus detulisset ei præceptio-

nes

nes Sigiberti regis, in quibus erat insertum, qualiter eandem cellulam novo opere construxisset, & de sua foraste, XII. leucas vndiq; mensuratas, & quæ infra erant, pro diuino ei amore concessisset. Sed pro firmitatis studio petiit prædictus Abbas, vt nos denuò per nostrum præceptu prædictam Foreste nostra auctoritate concederemus, atque confirmaremus Monasterio. Cui petitioni libenter annuimus; &, vt deprecatus est, per hoc nostrum præceptum confirmavimus.

Præcipientes ergo iubemus, vt nullus fidelis nostrorum de prædicta Foreste villam inquietudinem, aut infestationem, aut contrarietatem prædicto monasterio, suisque rectoribus facere vlo vnquam tempore præsumat, sed, licet monachis ibidem Deo famulantib. ad proprias supplendas necessitates ipsam cum omni integritate perpetuis temporibus habere absque alicuius infestatione, aut resultatione, vel diminutione.

Deprecati sunt etiam nos, de decimis & capellis ab antecessoribus nostris sibi collatis ex quibusdam fiscalibus nostris, vt pro firmitatis studio & animæ nostræ emolumento, donum prædecessorum nostrorum nostra confirmaremus auctoritate. Quapropter, sicut petierunt, concessimus, & decernimus ac iubemus, vt nemo fidelium nostrorum de decimis & Capillis memorata congregationi aliquid contendere, aut abstrahere, vel diminuere præsumat, nec ullam contrarietatem eis inferre tentet; sed, sicut ab antecessoribus nostris de memorata Foreste, & de iam dictis capellis & decimis constat firmatum, ita, Domino protegente, per hanc nostram auctoritatem nostris & futuris temporibus, maneat inconclusum.

Hæc verò auctoritas præceptionis nostræ, vt per diuturna tempora valeat inconclusa manere, manu propria subscripsimus, & annuli nostri impressione signari eam iussimus.

**